

四庫禁燬書叢刊編纂委員會

北京出版社

四庫禁燬書叢刊

補編

四庫禁燬書叢刊編纂委員會

北京出版社

四庫禁燬書叢刊

補編

圖書在版編目(CIP)數據

四庫禁毀書叢刊補編 / 《四庫禁毀書叢刊》編纂委員會編. —北京:北京出版社,2005

ISBN 7-200-06020-8

I. 四… II. 四… III. 叢書—中國—古代
IV. Z121.7

中國版本圖書館 CIP 數據核字(2005)第 029768 號

責任編輯:楊良志

四庫禁毀書叢刊補編

《四庫禁毀書叢刊》編纂委員會 編

北京出版社出版

北京北三環中路六號

郵政編碼: 100011

北京出版社出版集團總發行

新華書店經銷

北京市白帆印務有限公司印製

開本: 七八七×一〇九二毫米 1/16

印張: 四〇〇八·七五印張

二〇〇五年八月第一版第一次印刷

印數: 一一三〇〇套

書號: ISBN 7-200-06020-8/K·655

定價: 人民幣伍萬肆仟圓

ISBN 7-200-06020-8



9 797200 060200

補編第八六冊目次

穆堂初藁五十卷

〔清〕李紱撰
清乾隆刻本

..... 一

穆堂別藁五十卷(一)

〔清〕李紱撰
清乾隆十二年奉國堂刻本

..... 五七五

穆堂初藁五十卷

〔清〕李紱撰

清乾隆刻本

北京大學圖書館藏

穆堂初稿

序

人生不朽者三立言居其末文章又後之一端耳然往往難之自宋以來吾江西為獨盛歐陽曾王三公後先奮起為天下所宗迨今垂七百年未有能繼之者天下甚大束髮為文章矻矻至白首者無算積時至六七百年不可謂不久而古人終負絕若此何其難耶近世苟得速化之徒弋獲科名既無意於此其稍有扶持者臨深為高侈然以古人自居旁觀無識亦遂如其意以古人相許略不甚惜余甚恨之其不知古人之不可及而妄相位置耶抑知其不可及而聊誕以快意也仲兄穆堂先生天姿淵異甫就塾稱神童十歲能為詩十二歲能為古文余後兄十年生十三歲從兄學為文則兄之著作已滿家矣又十年兄以鄉貢首舉成進士入史館遭逢

聖主躋卿貳敬歷中外文益富余追隨益踈莫能測也既甲辰余亦偉登第需次歸屬太夫人春秋高侍養不敢出家所蓄書二萬五千餘卷寢飯其中八九年於茲乃取宋以後詩古文諸家反覆較勘求所以髣髴歐陽曾王者惟虞文靖公具體而微其他有一體焉亦罕矣既又就復吾兄類稿乃

旁皇駭歎以為於鄉先達蓋庶幾焉而猶莫敢決又讀之又較勘之踰年始悍然自信舉向時所恨為妄相位置而誕以快意者直躬蹈之而不悔也夫人情睡於所親而私其所從學吾所信安能必人之信之然文章自有定論妄耶誕耶其不然耶天下後世有歐陽曾王其人必知之矣兄生平志荆公之志以臯夔自命立朝風節似歐陽文忠公居家孝友似曾文定公年來講求又有進於是者詩古文辭非其意所重也嗚呼此其所以能為歐陽曾王之文章也歟雍正壬子仲冬同懷弟絃書於南

園書屋

序二

自白鹿肇建東佳華林雷塘學堂書院錯峙而西江遂以文甲海寓泊廬陵歐陽文忠公繼臨川晏元獻公而益昌之容與委備為百代治古文者之宗然熙豐品陶財借荆國王文公暨邦直禹玉號有宋四大家而南豐曾文定公且不與焉是第以歐陽氏為館閣應奉之體也清江劉氏後歐陽氏而興辭尤整雅盱江李氏雙井黃氏岸然自異別疏戶牖而其文猶未絕遠於館閣南渡後益罔周文忠公器渾學覈銓鑑前詰獨憲章歐陽氏而方闡次之以神明於擬議而其文遂顯標百代館閣之體鄒陽洪氏誠齋楊氏遐邁衍翊蓋迄景定咸淳而降崇山謝氏變時文險怪為紆徐浩蕩須溪劉氏倏

詭變化詎必不師鄉先正如草廬云爾哉夫文律之恆稟西江也所繇來遠矣有元混一虞文靖公振響南服高步中朝受禎太樸辭亦彬彬焉協於純典明初解春兩傑才雄出而東里楊氏標尚清省絳以雅音獨得歐陽氏察其王文端梁洗馬競相祖述遂復為二百餘年館閣應奉之宗至於南城羅氏東鄉艾氏甲乙明文者多推挹之爰迄金精片石騰馳海寓躬巷邦士握符傳於前水叔羅軒騎於後于一平叔分道揚鏗軌轍總貫則山林樵悴枯槁之士僇入西江繩尺矣

國家文教覃敷綏協采庠主少司馬李公實籍西江臨川為晏元獻公王文公篤生之地夙更羈縶亟踐顯融未嘗一日不肆力於文詩歌儷語業已播筦絃諧金石

而古文辭翦裁浮偽抉要啓鍵蓋清江之整雅益公之宏博文靖之淵邃春雨之壯偉膏樹酌而蒼萃之而本之以南豐之粹精參之以東里之清省此其所以迴翔

詞館騫翁

綸閣彝典鉅章獨垂諸冊府而永永不刊也而樵悴枯槁較工拙於尺寸者亦罔不秒忽分而毫髮肖蓋西江古文辭一盛於歐陽氏再盛於周氏三盛於虞氏四盛於楊氏五盛於魏氏至公而折衷集成以借廬陵代興亡疑也往開章貢左蠡滙流岷江而佳廬玉筍武功華蓋光氣鬱積必且復萃而為才以獲與於斯文之盛吾知海寓作者率不能易西江西江率不能易公而汎清瀾陟崇巒意且曹賦高山仰止之章言詠歎者久之公

職秩政績當詳記乘茲第論次其文云丁未十月十有七日門生陽羨儲大文謹撰

刻穆堂類集序

目不睹萬卷不可以為古文學不從濼洛之教入則不求之身心而不知思孟之統緒文與道雖若有二而知道之人則一以貫之而已吾座主臨川李公幼有異稟十歲能詩印與老成敵十二學古文十四為時文其時已內非經史漚洽宇宙且欲畧去洒掃應對小學疎節直以文章經濟為不朽類文中子少時上策之為又十年則又思向上一層由居處恭執事敬與人忠慥慥然求性分之廣大精微終身行習著察必俯仰朝夕而無媿雖不必停披絕吟而公自有其樂也迨發解成進士

受
朝廷殊知清歷清華出任封疆其進思退思虎尾春水若恐

蹈陷就政事物情痼痼儼濁稽古撫今凡見之筆札者遂已等身蓋自有二典六官之真宰的然不可磨滅以待之來者而豈有意於為文也哉公嘗言君子博學於文非如諸先生窮理格物之說欲其一且豁然貫通也孟子言學問之道無他求其放心而已誠擴其四端克其無穿窬之心雞鳴而起孳孳為善則人皆可以為堯舜故其生平讀書數萬卷而所自得不過大學古本與中庸語孟三書泐諸心板已耳前聖今賢彌宇宙而斯夕如臨父母者不過周程朱陸陽明六子而於文未數數然也記憶伯兄文貞公在日偶招公遊一山亭酒半顧公言古文一事亦五百年必有名世今溯自歐曾來六百載未有嗣音其復由西江乎子力勉之歐曾可至

意蓋以歐陽公文與道俱曾文定文衷於道望公繼其絕業耳若僅指為文章之能者何事於五百年而屈一指乎頃同懷仲氏型前歲來京問業因請刻公文集於閩中以吾縣清溪所產紅梨質極堅潤矩其陽開雕可撫十萬本不刊點畫公喜而畀之命填校定今已可繕寫與考古人積書之多而能讀者唐宋來無過吾家鄴侯公擇二人而未能求書之義於心也今吾兄與公家塾所蓄亦過萬卷而所為好之不厭老而愈篤者則皆道克於身心知其意詩言志而聲成文作者識者非偶然也然則山亭屈指所望以繼歐曾者斷在今日所開雕者矣受業光填謹識

穆堂類彙後序

道有統文亦有統虞夏商周道盛而六經四子之文出其統一周秦而降析道而微傍道而岐背道而離雖其文炳焉蔚焉與天壤相終古而未可以貫道祇謂之文焉於是其統分鄒魯之統子雲仲淹僞爲經而不得與廣川昌黎衍於一綫至周張程朱而其統乃正檀左之統傳於馬班揚馬崔蔡漸衰至於唐宋六家而其統乃正前代景濂希古道思熙甫之徒欲承六家之統而北地婁東奉檀左以與之角兩不相下然其後無繼者夫觀古者畫施規賁而無情雕辭者鏤冰畫脂而無氣趨時者決閉潰防而無格弊伏於所徇始極盛而流漸衰也沿及我

朝文盛人衆可屈指者七慮十數家散而無所統於是穆堂先生出焉其行已接物立朝服政靡不踐履於道融液六籍辨言姬孔昭灼於穹朗剖析於蒙芒顧未嘗以談道講學附系於程朱之統也而著於文者操唐宋之體製以匯南雅訓詁之指歸萃羸劉之精嶽峙而瀆流懸馳而霞起郁郁炎炎苞括宇宙陶鎔墳索騰越百家而句耀一代自經國蒞治碩論闕議以迄詮理言情叙事之篇窮洪纖而極正變二氏之言不得而溷焉然後知以文貫道卓然紹厥統於大家者冢嫡在是豈親古雕辭以趨時者所得而擬之者哉先生於文取永叔子固於命世之志取介甫於學術取子靜不出其鄉而奄有前古迺唯孕地之靈而又值天之時は故發而爲先

生之人之文之學者如此夫人以地著地以人著先生嘗爲朱子輯晚年全論考朱子繇婺源遷閩纔二世而繼其鄉楊羅李之統學者以閩配濂洛先生繇歙遷江西亦二世而繼其鄉歐陽曾王陸之統學者稱臨川先生先後若符節合者豈非天耶集內外共百餘卷同門李檢討光瑗序而刻之而予志其所見於末乾隆二年春三月門人黃之雋謹識

火餘草詩白敘

吾十歲時卽學爲詩十二歲學爲古文辭十四歲始學爲時文顧不甚好獨好爲詩古文詩尤多歲壬申年十八矣檢所爲詩得七百餘篇友人規之曰昔諸葛武侯初南征孟獲諸蠻晚乃出祁山君子惜其精銳之力不及用諸中原今詩歌古文詞瀘水之役也帖括制藝祁山之師也吾子所學曷異諸余笑曰幸生

聖世聊以咏歌太平若成敗利鈍雖武侯不能逆睹子教我致力中原恐六出師而不見功奈何友人曰以精銳之力用之中原而卒不見功乃可以歸之於天若緩其所急而急其所緩天不任受過也余頗然其說因取所爲詩盡火之餘百篇明年又火之自癸酉至丁丑僅得百

五十餘篇又火其半命曰火餘草噫是豈足爲詩耶是所謂厝火積薪之下未及然耳姑志余童心所好如此康熙丁丑八月望後小山李紱識

又序

書不可不也詩又何可火哉火之是以無書者無詩也予獨謂詩之亡非亡於火而亡於不火也詩猶嘉樹然惡木環雜之藤蔓牽附之則秀者蔽而挺者伏矣非火之而何以大出也故火之善也雖然火亦未易用也愛不制則不火識不定則不火心不虛氣不下則欲火而又難於火有終其身於兔園冊賣菜傭貧饕溫淫而已矣奚所樹於詩惟幸甥巨來不然巨來之於詩以爲其錯薪之雜不如喬木之高也因取積年之所構盡火之

而不餘也不餘而得餘不受火者也詩之所以不亡也真詩也玉斧山樵吳名岸登于氏題於鏡湖之湖翠樓

又序

不學詩無以言言以言乎言語文章也顧詩之不學而能於時文者出言有章洋縱橫離奇風雨而幻變上下之吾未之聞

國家功令以時文取士愛小山者舉諸高南征孟獲惜其精銳之氣不及用諸中原何哉謂詩有妨於文也間嘗論次武侯渡澗深入不毛爲固本計也安內而後攘外乃得以悉力中原迨至人不可爲則猶士子之一意肆力於時文而卒未嘗有獲也天也功之成不成皆天而人卒以武侯初征孟獲爲失計若又倫於經生之論以

洪序

師出子午谷爲魏文長特識安知仲達善守之士天不啟其衷以一軍扼要遂令成功如後之陰平夔川耶亦見其惑也嗟嗟古今成敗興亡不一而足佐命名臣其才常不逮武侯遠甚而卒成功稱上佐凡此皆天也且夫唐以詩賦取士李杜文章宜其立朝拔自進士爲南省第一人何以不錄制科而僅登諸薦辟以此知天之爲之人不可強窮達有命要亦盡其在我以俟之而已若夫成功則天也果爾則不學詩可學詩亦可火詩可不火詩亦可因人言以咸陽一炬獨於詩爲烈奈何乎小山小山何人李子巨來也李於古今得名人特衆巨來之才風發雲湧學詩於十一齡之齡年比于長源長吉其時文殊絕亦得力於詩也吐詞洋洋出言有章知

其離奇變幻行將以大將旗鼓震盪中原而成功未艾
於時文何有乃叔餘燼於一火之後得詩僅百篇猶謂
厝火積薪之下未及然則所謂不學詩無以言者將可
併是言而火之謂以精銳之氣用諸中原而與魏文長
師出于午谷爲叔魏特識也康熙甲戌冬臘獅山洪橫
秋亦翁氏拜書於寒橋別墅

穆堂初稿目錄

卷之一

賦四篇

雅一篇

頌三篇

卷之二

火餘草古今體詩六十五首

卷之三

春風草古今體詩五十八首

卷之四

吳征草古今體詩三十九首

秋山草古今體詩三十三首

卷之五

穆堂初稿目錄

螺川草古今體詩五十五首

卷之六

公車草古今體詩四十首 附南歸雜詩十一首

卷之七

瀛洲亭草一古今體詩五十五首

卷之八

瀛洲亭草二古今體詩八十二首

卷之九

瀛洲草亭三古今體詩六十六首

卷之十

瀛洲亭草四古今體詩七十五首

卷之十一

望雲草古今體詩七十三首

卷之十二

南浮草古今體詩八十四首

卷之十三

觀湖草古今體詩五十六首

卷之十四

河上草上古今體詩六十五首

卷之十五

河上草下古今體詩六十二首

卷之十六

潛行草古今體詩三十首

桂林草古今體詩二十九首 附上谷詩八首

穆堂初稿目錄

後桂林草古今體詩二十六首

卷之十七

紫藤軒草古今體詩一百零六首

卷之十八

原五首

說八首

卷之十九

經考十一首

卷之二十

經考十六首

卷之二十一

經解十三首

卷之二十二

經解十四首

卷之二十三

經論十四首

卷之二十四

雜論四首

雜議六首

贊四首

箴一首

卷之二十五

墓誌銘九首

卷之二十六

墓誌銘十六首

卷之二十七

墓誌銘十四首

穆堂初稿

目錄

三

卷之二十八

墓表二十首

卷之二十九

記十四首

卷之三十

記十五首

卷之三十一

序二十首

卷之三十二

序十五首

卷之三十三

序十九首

卷之三十四

序二十四首

卷之三十五

序十五首

卷之三十六

序十六首

卷之三十七

序十六首

卷之三十八

奏疏十五首

卷之三十九

穆堂初稿

目錄

四

卷之四十

劄子二十二首

卷之四十一

書十四首

卷之四十二

書十五首

卷之四十三

書十二首

卷之四十四

策問十七首

卷之四十五

題跋十四首

卷之四十六

題跋十八首

卷之四十七

昭告文五首

哀辭四首

卷之四十八

祭文十五首

卷之四十九

祭文十九首

卷之五十

祭文十七首

誄三首

賦

耨田賦 有序

雍正二年春二月乙亥

皇帝祀

先農之神躬耕于耨田三推禮成升觀耕之臺乃命裕親

王莊親王怡親王行五推禮吏部尚書 臣 隆科多戶部

尚書 臣 張廷玉禮部侍郎 臣 三泰兵部侍郎 臣 李紱刑

部尚書 臣 勵廷儀工部尚書 臣 孫渣齊都察院左都御

史 臣 殷泰通政使 臣 剛爾大理寺少卿 臣 唐執玉行九

推禮天氣融怡風日清美禮文既備神人以諧欽惟

穆堂初稟 卷之一

皇帝陛下德原大孝道契思文以享

帝享

覲則致柔盛之豐潔以勸耕勸畝則知稼穡之艱難蓋合千八

百國之歡心以舉五十餘年之曠典而 臣 絃猷以耨末

遭遇茲 臣 復參卿貳列在從耕誠百生所莫逢祝

萬壽而無極者也敢助獻幽鼓籥之遺敬進

躬耕耨田之賦賦曰

鴻濛既啓高下既辨崑崙之東實維赤縣曠題封今萬

里江山川而曼衍俯偵地力仰耀天明太和之所含育

二氣之所苞榮萬葉其鍾庶草蕃生蓋率土之瀕咸得

遂而耕也乃其扶輿清淑磅礴而鬱積奔騰奮發羣趨

而北西龍蟠乎太行東虎踞乎碣石實名天府帝都是

宅佳氣溢草木蕃秀植散乎廣野危柯陰乎高原麥兩

岐而黃卷芝三秀以翠穿林林壬壬芬芬芸芸其中

千畝之田焉右毗農壇左倚天宗宮殿翠華亭樹玲瓏

循軌涂而虬矯舛觚稜以鶴神金城碧苑朱檻紫脰勢

借陰而俯陽別近圻與遠同紺轅軒靑耜銜從充切

乎其中澆喇導洫遐阡通陌疆里眩眩黃分綠畫開世

相宜溝塍相格高者宜黍平者可麥旆旆然穰穰然紛

嘉種其凝降香奕從而相測其外則林木周遭綠光萬

尋蔽廟日月吞納高深瞻

紫禁之突兀連翠微千遙峯鳴鳥關關以出谷豐草委宛

以穴林蓋上下鳥獸草木咸若乎

帝心信天田之濁奇匪異軫所得而兼也惟時協風至靈雨

穆堂初稟 卷之一

零雁北鄉魚負冰蟄蟲始振出句達萌春和萬里東作

方與朝陽暖以輕紅平疇逸其微青

皇帝乃命太史順時農正陳禮司空除壇掌舍施牲爰乘天

和敬修歲事取種種于宮中策甸師以千耜衍參涂營

青壇闈入枿飭金根啓銅龍其下漏警雞人千神鸞羣

公肅其蒼珮屬車振其游環救旄頭使前驅先金吾俾

之禁奸已而東方既發彩雲仰喬宮車轟雷畫旗翻日

丹墀披罔闔闔稟威儀其風靜咸總干而山立

皇帝乃駕蒼龍驅驛驢招搖在上朱鳥前浮靑駝駝其莫窮

碧交映而欲流振五色之流離爰循阪而登丘黃鍾震

鼓鼓伐蕭管舉鳴球戛嗒嗒嗒嗒衆音發發洞庭之張

忽驚鈞天之奏交迭

新舊莫干

先農委分獻于龍稷祀典既舉農耆酌熙乃釋冕服乃御
衮衣望青陽之所舍啓金鋪于鳳扉黃犢駕龍轅披司
農奉鞭京兆陳箕儼秩宗兮雙引麾羽林以分馳於是
撫浮靄于青壇發沈腴于紺耦

先公卿今三推

舉玉趾今千畝羣臣以次而薦事駿踴躍而奔走農夫驩其
克敏旋葱幣而麾肘露凝郊而續紛煙破畦而繚繞潛
穎承其寒彩芳樹絢其初皎鼓太和于春餘指遺澤于
秋杪儼

芝駕而蹙迴臨

蓬宮而金奏羣臣吟灌而承勞農夫荷鋤而獻壽肆禮行

穆堂初稟

卷之一

其既辨乃侑樽而噉言夫六府穀以為本八政食以為
先國之大典在祀而粢盛重于牲牲苟弗躬而弗親烏
授几而設籩諸侯未必其知養兆姓將何以為天今我
皇上嚴恭寅畏其慎其難卜吉亥而不逾順三時而莫訾身
勞天下躬率之先以祀則孝以教則勤致力于神而克
成乎民臣見上下咸宜受福孔殷休徵游臻而享有道
于萬年也爰拜手稽手颺言而重之以頌曰黍稷非馨
明德維馨神無嘗享享于克誠稼稽匪懈祀事孔明亦
有神倉如坻如京粢盛既潔和羹既平胥我清酌賚我
思成神降之福歲維三登萬民時若各服爾耕億萬斯
年為天下正

徐編修奉使琉球過家賦

國家威德隆盛周乎四際海隅日出罔不率俾奉正朔執
玉帛來王者無算航海之國則琉球尤恭順朝貢以時
歲事來辟遇元旦長至及

聖壽節設

龍亭率其陪臣行慶祝禮與內地亡異繼世卽位必請

命於朝受冊寶乃敢稱嗣王長其國人蓋其國自有明入貢
遣陪臣子弟入辟雍學歸教其國中故習知禮法小心
而畏義若此然吾聞琉球立國三代以還未與中夏通
音判以兵威不屈元招以文告不從固亦未易馴伏乃
自我

朝定鼎卽來請

冊命更敕寶通貢獻七十年於

國家溪仁厚澤汪濊洋溢所以內吳外覃者足以淪浹其
肌髓而

皇上聰明容知繼天立極實有以破四表格上下亦安見首
出而萬國尊聖作而萬物覩使遐荒絕域敬信慕悅莫
不尊親如是昔太和在成周宇宙間越裳氏來朝謂天
無烈風淫雨海不揚波者三年知中國有聖人故重譯
來貢此感彼應豈誣也哉今歲琉球世子以嗣位來請
命故事用翰林官或給事省部一人或以中書行人克正副
使以往

天子念琉球世篤忠貞益重其典出由中之

詔正副使金用翰林官於是編修徐君偕檢討海君金